

# SAC a presenta logo di Carnaval 50

Ganador Marouschka Vanegas Cornelie



**ORANJESTAD(AAN):** Durante un conferencia di prensa ayera tardi na oficina di SAC, den sala Milo Croes, a ser presenta e logo ganador di concurso pa logo di carnaval 50, 2004.

E logo ganador a bini di Ma-

rouschka Vanegas Cornelie cu a ricibi e premio di 1000 florin.

Den su splicacion, Marouschka a muestra cu el a escohe e lema "Carnaval di Aruba si ta carnaval" ya cu despues di a celebra 48 aña di

carnaval, esaki ta e lema cu a bira tradicional, ni maske cu tur aña ta escohe lema pa rima cu e cantad di aña cu ta wordo celebra.

Di e logo el a splica cu e background ta oranje baha pa geel y esaki ta refleha e "solo cayente cu ta briya" riba nos isla durante temporada di carnaval.

E bari di steelband ta identifica e "acompañamento musical desde cuminamento" di paradanan di carnaval di Aruba.

E strea y e plumanan; e strea ta identifica nos pais "Aruba" mescos cu riba nos bandera y e plumanan ta identifica tanto "Carnaval como e colornan di nos bandera". E tin tambe un mascarada y antifaz. un grandi y un chiquito ta representa e hecho cu na Aruba "grandi y



chiquito ta celebra carnaval hunto manera un gran familia".

E berde ta representa "speranza" cu tur cos lo bay bon y e sonrisa ta representa e "alegria" cu ta reina bao di nos hendenan durante e temporada di carnaval.

E color di "oro" di e antifaz ta representa celebracion di "50 aña di carnaval" di Aruba.

E material cu el a usa ta potlood di color, verf (base di awa) y stift preto.

El a indica cu el a diseña segun su fantasia y segun loke e ta haya e logo mester encera pa celebracion di 50 aña di carnaval.

Riba e potret por mira president di SAC y Marouschka Vanegas Cornelie despues di a presenta e logo na prensa.